

蟻如招 耐乃代 氎疊 寢藝 銳青 謚委

肇北 訐居誦 牘徒谷 媒薛

第十卷

殫丹 熠文 環還 綴株衛 孽魚列 紐亮

霰先見 媛院 枳帟 禡尹奚 串憚

平江府茶塢山超隱庵比丘 宗秀同

大毗盧遮那成佛神變加持經卷第一 詩一

大唐中天竺三藏輸波迦羅共沙門一行譯

入真言門住心品第一

如是我聞一時薄伽梵住如來加持廣大金剛法界宮一切持金剛者皆悉集會如來信解遊戲神變生大樓閣寶王高無中邊諸大

倚

妙實王種種間飾菩薩之身為師子座其金剛名曰虛空無垢執金剛虛空遊步執金剛虛空生執金剛被雜色衣執金剛善行步執金剛住一切法平等執金剛哀愍無量眾生界執金剛那羅延力執金剛大那羅延力執金剛妙執金剛勝迅執金剛無垢執金剛刃迅執金剛如來甲執金剛如來句生執金剛住無戲論執金剛如來十力生執金剛無垢眼執金剛金剛手秘密主如是上首十佛刹微塵數等持金剛眾俱及普賢菩薩慈氏菩薩妙吉祥菩薩除一切蓋障菩薩等諸大菩薩前後圍繞而演說法所謂越三時如來之

日加持故身語意平等句法門時彼菩薩普賢為上首諸執金剛祕密主為上首毗盧遮那如來加持故奮迅示現身無盡莊嚴藏如是奮迅示現語意平等無盡莊嚴藏非從毗盧遮那佛身或語或意生一切處起滅邊際不可得而毗盧遮那一切身業一切語業一

切意業一切處一切時於有情界宣說真言道句法又現執金剛普賢蓮華手菩薩等像貌普於十方宣說真言道清淨句法所謂初發心乃至十地次第此生滿足緣業生增長有情類業壽種除復有芽種生起爾時執金剛祕密主於彼眾會中坐白佛言

世尊云何如來應供正遍知得一切智智彼得一切智智為無量眾生廣演分布種種趣種種性欲種種方便道宣說一切智智或聲聞乘道或緣覺乘道或大乘道或五通智道或願生天或生人中及龍夜叉乾闥婆乃至說生摩睺羅伽法若有眾生應佛度者即

現佛身或現聲聞身或現緣覺身或菩薩身或梵天身或那羅延毗沙門身乃至摩睺羅伽人非人等身各各同彼言音住種種威儀而此一切智智道一味所謂如來解脫味世尊譬如虛空界離一切分別無分別無分別如是一切智智離一切分別無分別無無

詩一

二

分別世尊譬如大地一切眾生依如是一切智智天人阿脩羅依世尊譬如火界燒一切薪無厭足如是一切智智燒一切無智薪無厭足世尊譬如風界除一切塵如是一切智智除去一切諸煩惱塵世尊喻如水界一切眾生依之歡樂如是一切智智為諸天世人利樂世尊如是智慧以何為因云何為根云何究竟如是說已毗盧遮那佛告持金剛祕密主言善哉善哉執金剛善哉金剛手汝問吾如是義汝當諦聽極善作意吾今說之金剛手言如是世尊願樂欲聞

佛言菩提心為因悲為根本方便為究竟秘密主云何菩提謂如實知自心秘密主是阿耨多羅三藐三菩提乃至彼法少分無有可得何以故虛空相是菩提無知解者亦無開曉何以故菩提無相故秘密主諸法無相謂虛空相

爾時金剛手復白佛言世尊誰尋求一切智誰為菩提成正覺者誰發起彼一切智智

佛言秘密主自心尋求菩提及一切智何以故本性清淨故心不在內不在外及兩中間心不可得秘密主如來應正等覺非青非黃非赤非白非紅紫非水精色非長非短非圓

詩一

三

非方非明非暗非男非女非不男女秘密主心非欲界同性非色界同性非無色界同性非天龍夜叉乾闥婆阿脩羅迦樓羅緊那羅摩睺羅伽人非人趣同性秘密主心不住眼界不住耳鼻舌身意界非見非顯現何以故虛空相心離諸分別無分別所以者何性同

虛空即同於心性同於心即同菩提如是秘密主心虛空界菩提三種無二此等悲為根本方便波羅蜜滿足是故秘密主我說諸法如是令彼諸菩薩眾菩提心清淨知識其心秘密主若族姓男族姓女欲識知菩提當如是識知自心秘密主云何自知心謂若分段

或顯色或形色或境界若色若受想行識若我若我所若能執若所執若清淨若界若處乃至一切分段中求不可得秘密主此菩薩淨菩提心門名初法明道菩薩住此修學不以勤苦便得除一切蓋障三昧若得此者則與諸佛菩薩同等住當發五神通獲無量語

言音陀羅尼知眾生前行諸佛護持雖處生死而無染著為法界眾生不辭勞倦成就住無為戒離於邪見通達正見復次秘密主住此除一切蓋障菩薩信解力故不以勤修滿足一切佛法秘密主以要言之是善男子善女人無量功德皆得成就爾時執金剛秘密

王復以偈問佛

云何世尊說

知發菩提心

大勤勇幾何

願佛廣開演

心心有殊異

如是說已摩訶毗盧遮那世尊告金剛手言

善哉佛真子

心續生之相

我今悉開示

生廣大功德

無量如虛空

此心菩提生

願識心心勝

次第心續生

功德聚亦然

惟大牟尼說

勝上大乘句

諸佛大秘密

一心應諦聽

其性常堅固

不染汙常住

詩一

本來寂無相

供養修行行

秘密主無始

分別無量我

則我我所生

建立淨不建

無量智成就

從是初發心

秘密主無始

分別無量我

則我我所生

建立淨不建

正等覺顯現

復以云何相

自然智生說

心諸相與時

及彼行修行

若尊貴若自然若內我若人量若遍嚴若壽

者若補特伽羅若識若阿賴耶知者見者能

執所執內知外知杜怛梵意生儒童常定生

聲非聲秘密主如是等我分自昔以來分別

相應希求順理解脫秘密主愚童凡夫類猶

如羝羊或時有一法想生所謂持齋彼思惟

此少分發起歡喜數數修習秘密主是初種

子善業發生復以此為因於六齋日施與父

母男女親戚是第二芽種復以此施授與非

親識者是第三疱種復以此施與器量高德

者是第四葉種復以此施歡喜授與妓樂人

等及獻尊宿是第五敷華復以此施發親愛

心而供養之是第六成果

復次秘密主彼護戒生天是第七受用種子

復次秘密主以此心生死流轉於善友所聞

如是言此是天大天與一切樂者若虔誠供

養一切所願皆滿所謂自在天梵天那羅延

天商羯羅天黑天自在天日天月天龍尊等

詩一

五

及俱吠濫毗沙門釋迦毗樓博叉毗首羯磨
 天閻魔閻魔后梵天梵天后世所宗奉火天
 迦樓羅子天自在天后波頭摩德叉迦龍和
 脩吉商佉羯句啍劔大蓮俱里劔摩訶泮尼
 阿地提婆薩陀難陀等龍或天仙火仙大圍
 陀論師各各應善供養彼聞如是心懷慶悅
 殷重恭敬隨順修行秘密主是名愚童異生
 生死流轉無畏依第八嬰童心秘密主復次
 殊勝行隨彼所說中殊勝住求解脫慧生所
 謂常無常空隨順如是說秘密主非彼知解
 空非空常斷非有非無俱彼分別無分別云
 何分別空不知諸空非彼能知涅槃是故應
 了知空離於斷常

爾時金剛手復請佛言惟願世尊說彼心如
 是說已佛告金剛手秘密主言秘密主諦聽
 心相謂貪心無貪心瞋心慈心癡心智心決
 定心疑心暗心明心積聚心闡心諍心無諍
 心天心阿脩羅心龍心人心女心自在心商

人心農夫心河心陂池心井心守護心慳心
 狗心狸心迦樓羅心鼠心歌詠心舞心擊鼓
 心室宅心師子心鵝鷓心鳥心羅刹心刺心
 窟心風心水心火心泥心顯色心板心迷心
 毒藥心絹索心械心雲心田心鹽心剔刀心
 猶彌等心海等心穴等心受生心

秘密主彼云何貪心謂隨順染法云何無貪
 心謂隨順無染法云何瞋心謂隨順怒法云
 何慈心謂隨順修行慈法云何癡心謂隨順
 修不觀法云何智心謂順修殊勝增上法云
 何決定心謂尊教命如說奉行云何疑心謂
 常收持不定等事云何闇心謂於無疑慮法
 生疑慮解云何明心謂於不疑慮法無疑慮
 修行云何積聚心謂無量為一為性云何闢
 心謂互相是非為性云何諍心謂於自己而
 生是非云何無諍心謂是非俱捨云何天心
 謂心思隨念成就云何阿脩羅心謂樂處生
 死云何龍心謂思念廣大資財云何人心謂

詩一

六

思念利他云何女心謂隨順欲法云何自在
心謂思惟欲我一切如意云何商人心謂順
修初收聚後分拈法云何農夫心謂隨順初
廣聞而後來法云何河心謂順修依因二邊
法云何陂池心謂隨順渴無厭足法云何井
心謂如是思惟深復甚深云何守護心謂唯

此心實餘心不實云何慳心謂隨順爲已不
與他法云何狸心謂順修徐進法云何狗心
謂得少分以爲喜足云何迦樓羅心謂隨順
朋黨羽翼法云何鼠心謂思惟斷諸繫縛云
何歌詠心云何舞心謂修行如是法我當上
昇種種神變云何擊鼓心謂修順是法我當

擊法鼓云何室宅心謂順修自護身法云何
師子心謂修行一切無怯弱法云何鷓鴣心
謂常暗夜思念云何鳥心謂一切處驚怖思
念云何羅刹心謂於善中發起不善云何刺
心謂一切處修發起惡作爲性云何窟心謂
順修爲入窟法云何風心謂遍一切處發起

爲性云何水心謂順修洗濯一切不善法云
何火心謂熾盛炎熱爲性云何泥心云何顯
色心謂類彼爲性云何板心謂順修隨量法
捨棄餘善故云何迷心謂所執異所思異云
何毒藥心謂順修無生分法云何絹索心謂
一切處住於我縛爲性云何械心謂二足止

詩一

七

住爲性云何雲心謂常作降雨思念云何田
心謂常如是修事自身云何鹽心謂所思念
彼復增加思念云何剔刀心謂唯如是依止
剔除法云何彌盧等心謂常思惟心高舉爲
性云何海等心謂常如是受用自身而住云
何穴等心謂先決定後復變改爲性云何受
生心謂諸有修習行業彼生心如是同性祕
密主一二三四五再數凡百六十心越世間
三妄執出世間心生謂如是解唯蘊無我根
境界淹留修行拔業煩惱株杻無明種子生
十二因緣離建立宗等如是湛寂一切外道
所不能知先佛宣說離一切過祕密主彼出

世間心住蘊中有如是慧隨生若於蘊等發起離著當觀察聚沫浮泡芭蕉陽焰幻等而得解脫謂蘊處界能執所執皆離法性如是證寂然界是名出世間心秘密主彼離遠順八心相續業煩惱網是超越一劫瑜祇行復次秘密主大乘行發無緣乘心法無我性

何以故如彼往昔如是修行者觀察蘊阿賴耶知自性如幻陽焰影響旋火輪輒闍婆城秘密主彼如是捨無我心主自在覺自心本不生何以故秘密主心前後際不可得故如是知自心性超越二劫瑜祇行復次秘密主真言門修行菩薩行諸菩薩無

量無數百千俱胝那庾多劫積集無量功德智慧具修諸行無量智慧方便皆悉成就天人世間之所歸依出過一切聲聞辟支佛地釋提桓因等親近敬禮所謂空性離於根境無相無境界越諸戲論等虛空無邊一切佛法依此相續生離有爲無爲界離諸造作離

眼耳鼻舌身意極無自性心生秘密主如是初心佛說成佛因故於業煩惱解脫而業煩惱具依世間宗奉常應供養

復次秘密主信解行地觀察三心無量波羅蜜多慧觀四攝法信解地無對無量不思議逮十心無邊智生我一切諸有所說皆依此

詩一

八

而得是故智者當思惟此一切智信解地復越一劫昇住此地此四分之一度於信解

爾時執金剛秘密主白佛言世尊願救世者演說心相菩薩有幾種得無畏處如是說已摩訶毗盧遮那世尊告金剛手言諦聽極善思念秘密主彼愚童凡夫修諸善業害不善

業當得善無畏若如實知我當得身無畏若於取蘊所集我身捨白色像觀當得無我無畏若害蘊住法攀緣當得法無畏若害法住無緣當得法無我無畏若復一切蘊界處能執所執我壽命等及法無緣空自性無性此空智生當得一切法自性平等無畏秘密主

若真言門修菩薩行諸菩薩深修觀察十緣
生句當於真言行通達作證云何為十謂如
幻陽焰夢影乾闥婆城響水月浮泡虛空華
旋火輪秘密主彼真言門修菩薩行諸菩薩
當如是觀察云何為幻謂如呪術藥力能造
所造種種色像或自眼故見希有事展轉相
生往來十方然後非去非不去何以故本性
淨故如是真言幻持誦成就生一切

復次秘密主陽焰性空彼依世人妄想成立
有所談議如是真言想唯是假名
復次秘密主如夢中所見晝日牟呼栗多剎
那歲時等住種種異類受諸苦樂覺已都無

詩一

九

所見如是夢真言行應知亦爾

復次秘密主以影喻解了真言能發悉地如
面緣於鏡而現面像彼真言悉地當如是知
復次秘密主以乾闥婆城響解了成就悉地
宮復次秘密主以響喻解了真言聲如緣聲
有響彼真言者當如是解

復次秘密主如因月出故照於淨水而現月
影像如是真言水月喻彼時明者當如是說
復次秘密主如天降雨生泡彼真言悉地種
種變化當知亦爾
復次秘密主如空中無眾生無壽命彼作者
不可得以心迷亂故而生如是種種妄見

復次秘密主譬如火燼若人執持在手而以
旋轉空中有輪像生秘密主應如是了知大
乘句心句無等等句必定句正等覺句漸次
大乘生句當得具足法財出生種種工巧大
智如實遍知一切心想

大毗盧遮那經入漫荼羅具緣真言品第二

爾時執金剛秘密主白佛言希有世尊說此
諸佛自證三菩提不思議法界超越心地以
種種方便道為衆生類如本性信解而演說
法惟願世尊次說修真言行大悲胎藏生大
漫荼羅王為滿足彼諸未來世無量衆生為
救護安樂故

爾時薄伽梵毗盧遮那於大眾會中遍觀察
 已告執金剛秘密主言諦聽金剛手今說修
 行漫荼羅行滿足一切智智法門爾時毗盧
 遮那世尊本昔誓願成就無盡法界度脫無
 餘衆生界故一切如來同共集會漸次證入
 大悲藏發生三摩地世尊一切支分皆悉出
 現如來之身為彼從初發心乃至十地諸衆
 生故遍至十方還來佛身本位本位中住而
 復還入

時薄伽梵復告執金剛秘密主言諦聽金剛
 手漫荼羅位初阿闍梨應發菩提心妙慧慈
 悲兼綜衆藝善巧修行般若波羅蜜通達三

詩一

十

乘善解真言實義知衆生心信諸佛菩薩得
 傳教灌頂等妙解漫荼羅盡其性調柔離於
 我執於真言行善得決定究習喻伽住勇健
 菩提心秘密主如是法則阿闍梨諸佛菩薩
 之所稱讚復次秘密主彼阿闍梨若見衆生
 堪為法器遠離諸垢有大信解勤勇深信常

念利他若弟子具如是相貌者阿闍梨應自
 往勸發如是告言

佛子此大乘 真言行道法 我今正開演
 為彼大乘器 過去等正覺 及與未來世
 現在諸世尊 住饒益衆生 如是諸賢者
 解真言妙法 勤勇獲種智 坐無相菩提

真言勢無比 能摧伏大力 極忿怒魔軍
 釋師子救世 是故汝佛子 應以如是慧
 方便作成就 當獲薩婆若 行者悲念心

發起令增廣 彼堅住受教 當為擇平地
 山林多華果 悅意諸清泉 諸佛所稱歎
 應作圓壇事 或在河流處 鵝鴈等莊嚴

彼應作慧解 悲生漫荼羅 正覺緣導師
 聖者聲聞衆 曾遊此地分 佛常所稱譽
 及餘諸方所 僧坊阿練若 華房高樓閣
 勝妙諸池苑 制底火神祠 牛欄河渾中
 諸天廟空室 仙人得道處 如上之所說
 或所意樂處 利益弟子故 當畫漫荼羅

詩一

十一

秘密主彼揀擇地除去礫石碎瓦破器髑髏
毛髮糠糟灰炭刺骨朽木等及蟲蟻螻蛄毒
螫之類離如是諸過過良日晨定日時分宿
直諸執皆悉相應於食前時值吉祥相先當
為一切如來作禮以如是偈警發地神
汝天親護者 於諸佛導師 修行殊勝行

淨地波羅蜜 如破魔軍眾 釋師子救世

我亦降伏魔 我盡漫荼羅

彼應長跪舒手按地頻誦此偈以塗香華等
供養供養已真言者復應歸命一切如來然
後治地如其次第當具眾德爾時執金剛祕
密主頭面禮世尊足而說偈言

佛法離諸相 法住於法位 所說無譬類
無相無為作 何故大精進 而說此有相
及與真言行 不順法然道 爾時薄伽梵
毗盧遮那佛 告執金剛手 善聽法之相
法離於分別 及一切妄想 若淨除妄想
心思諸起作 我成最正覺 究竟如虛空

凡愚所不知 邪妄執境界 時方相貌等
樂欲無明覆 度脫彼等故 隨順方便說
而實無時方 無作無造者 彼一切諸法
唯住於實相 復次秘密主 於當來世時
劣慧諸眾生 以癡愛自蔽 唯依於有相
恒樂諸斷常 時方所造業 善不善諸相

盲冥樂求果 不知解此道 為度彼等故
隨順說是法

秘密主如是所說處所隨在一地治令堅固
取未至地瞿摩夷及瞿摸怛羅和合塗之次
以香水真言灑淨即說真言曰
南麼三曼多勃馱喃 一凡真言中有平聲皆指上聲呼之已下字准

此之阿鉢囉合二底下同以反三迷二伽伽那三呼三三麼多奴揭帝四鉢囉合二吃囉合二底微輸上睇五達摩馱暗微戊達你六莎訶
行者次於中 定意觀大日 處白蓮華座
髮髻以為冠 放種種色光 通身悉周遍
復當於正受 次想四方佛 東方号寶幢

詩一

十二

身色如日暉	南方大勤勇	遍覺華開敷
金色放光明	三昧離諸垢	北方不動佛
離惱清涼定	西方仁勝者	是名無量壽
持誦者思惟	而住於佛室	當受持是地
以不動大名	或用降三世	一切利成就
白檀以塗畫	圓妙漫荼羅	中第一我身
第二諸救世	第三同彼等	佛母虛空眼
第四蓮華手	第五執金剛	第六不動尊
想念置其下	奉塗香華等	思念諸如來
至誠發殷重	演說如是偈	存念我等故
諸佛慈悲者		明日受持地
并佛子當降		

如是說已復當誦此真言曰

南麼三曼多勃馱喃一薩婆怛他葉多引二
 地瑟姪引三那引四地瑟社引五帝引六阿者麗引七
 微麼麗引八娑麼引九羅引十姪引十一鉢羅引十二吃囉引十三底引十四
 丁以鉢囉輸上睇七莎訶
 持真言行者 次發悲念心 依於彼西方

繫念以安寢	思惟菩提心	清淨中無我
或於夢中見	菩薩大名稱	諸佛無有量
現作眾事業	或以安慰心	勸囑於行者
汝念眾生成	造作漫荼羅	善哉摩訶薩
所畫甚微妙	復次於餘日	攝受應度人
若弟子信心	生種姓清淨	恭敬於三寶
深慧以嚴身	堪忍無懈倦	尸羅淨無缺
忍辱不慳悋	勇健堅行願	如是應攝取
餘則無所觀	或十或八七	或五二一四
當作於灌頂	若復數過此	
爾時金剛手秘密主復白佛言世尊當云何		
名此漫荼羅漫荼羅者其義云何佛言此名		
發生諸佛漫荼羅極無比味無上味是故說		
為漫荼羅又秘密主哀愍無邊眾界故是		
大悲胎藏生漫荼羅廣義秘密主如來於無		
量劫積集阿耨多羅三藐三菩提之所加持		
是故具無量德當如是知秘密主非為一眾		
生故如來成正等覺亦非二非多為憐愍無		

餘記及有餘記諸衆生界故如來成正等覺
以大悲願力於無量衆生界如其本性而演
說法秘密主無大乘宿習未曾思惟真言乘
行彼不能少分見聞歡喜信受
又金剛薩埵若彼有情昔於大乘真言乘道
無量門進趣已曾修行爲彼等故限此造立

名數彼阿闍梨亦當以大悲心立如是誓願
爲度無餘衆生界故應當攝受無量衆生作
菩提種子因緣

持真言行者 如是攝受已 命彼三自歸
令說悔先罪 奉塗香華等 供養諸聖尊
應授彼三世 無障礙智戒 次當授齒木

若優曇鉢羅 或阿說他等 結護而作淨
香華以莊嚴 端直順本末 東面或北面
嚼已而擲之 當知彼衆生 成器非器相
三結修多羅 次繫等持臂 如是授弟子
遠離諸塵垢 增發信心故 當隨順說法
慰喻堅其意 告如是偈言

汝獲無等利 位同於大我 一切諸如來
此教菩薩衆 皆已攝受汝 成辦於大事
汝等於明日 當得大學生 如是教授已
或於夢寐中 覩見僧住處 園林悉嚴好
堂宇相殊特 顯敞諸樓觀 幢蓋摩尼珠
寶刀悅意華 女人鮮白衣 端正色姝麗

密親或善友 男子如天身 羣牛豐犍乳
經卷淨無垢 遍知因緣覺 并佛聲聞衆
大我諸菩薩 現前授諸果 度大海河池
及聞所樂聲 空中言吉祥 當與意樂果
如是等好相 宜應諦分別 與此相違者
當知非善夢 善住於戒者 晨起白師已

師說此句法 勸發諸行人 此殊勝願道
大心摩訶衍 汝今能志求 當成就如來
自然智大龍 世間敬如塔 有無悉超越
無垢同虛空 諸法甚深奧 難了無含藏
離一切妄想 戲論本無故 作業妙無比
常依於二諦 是乘殊勝願 汝當住斯道

詩一
十四

爾時住無戲論執金剛白佛言世尊願說三世無礙智戒若菩薩住此者令諸佛菩薩皆歡喜故如是說已

佛告住無戲論執金剛等言佛子諦聽若族姓子住是戒者以身語意合為一不作一切諸法云何為戒所謂觀察捨於自身奉獻諸

佛菩薩何以故若捨自身則為捨彼三事云何為三謂身語意是故族姓子以受身語意戒得名菩薩所以者何離彼身語意故菩薩摩訶薩應如是學次於明日以金剛薩埵加持自身為世尊毗盧遮那作禮應取淨瓶盛滿香水持誦降三世真言而用加之置初門

詩一

十五

外用灑是諸人等彼阿闍梨以淨香水授與令飲彼心清淨故爾時執金剛秘密主以偈問佛

種智說中尊 願說彼時分 大眾於何時
普集現靈瑞 漫荼羅闍梨 懇懃持真言
爾時薄伽梵 告持金剛慧 常當於此夜

而作漫荼羅 傳法阿闍梨 如是應次取
五色修多羅 誓首一切佛 大毗盧遮那
親自作加持 東方以為首 對持修多羅
至齋而在空 漸次右旋轉 如是南及西
終竟於北方 第二安立界 亦從初方起
憶念諸如來 所行如上說 右方及後方

復周於勝方 阿闍梨次迴 依於涅槃底
授學對持者 漸次以南行 從此右旋繞
轉依於風方 師位移本處 而居於火方
持真言行者 復修如是法 弟子在西南
師居伊舍尼 學者復旋繞 轉依於火方
師位移本處 而住於風方 如是真言者

普作四方相 漸次入其中 三位以分之
已表三分位 地相普周遍 復於一一分
差別以為三 是中最初分 作業所行道
其餘中後分 聖天之住處 方等有四門
應知其分劑 誠心以殷重 運布諸聖尊
如是造眾相 均調善分別 內心妙白蓮

胎藏正均等	藏中造一切	悲生漫荼羅
十六央俱梨	過此是其量	八葉正圓滿
鬚鬘皆嚴好	金剛之智印	遍出諸葉間
從此華臺中	大日勝尊現	金色甚暉曜
首持髮髻冠	救世圓滿光	離熱住三昧
彼東應盡作	一切遍知印	三角蓮華上
其色皆鮮白	光焰遍圍遶	皓潔普周遍
次於其北維	導師諸佛母	晃曜真金色
縞素以為衣	遍照猶日光	正受住三昧
復於彼南方	救世佛菩薩	大德聖尊印
号名滿眾願	真陀摩尼珠	住於白蓮上
北方大精進	觀世自在者	光色如皓月
商佉軍那華	微笑坐白蓮	髻現無量壽
彼有大名稱	聖者多羅尊	青白色相雜
中年女人狀	合掌持青蓮	圓光靡不遍
暉發猶淨金	微笑鮮白衣	右邊毗俱胝
手垂數珠鬘	三目持髮髻	尊形猶皓素
圓光色無比	黃赤白相入	次近毗俱胝

詩一
十六

畫得大勢尊	彼服商佉色	大悲蓮華手
滋榮而未敷	圍繞以圓光	明妃住其側
号持名稱者	一切妙瓔珞	莊嚴金色身
執鮮妙華枝	左持鉢胤遇	近聖者多羅
住於白處尊	髮冠襲純帛	鉢曇摩華手
於聖者前作	大力持明王	晨朝日暉色
白蓮以嚴身	赫奕成焰鬘	吼怒牙出現
利爪獸王髮	阿耶揭利婆	如是三摩地
觀音諸眷屬	復次華臺表	大日之右方
能滿一切願	持金剛慧者	鉢孕遇華色
或復如綠寶	首戴眾寶冠	瓔珞莊嚴身
間錯互嚴飾	廣多數無量	左執拔折羅
周環起光燄	金剛藏之右	所謂忙莽難
亦持堅慧杵	嚴身以瓔珞	彼右次應置
大力金剛針	使者眾圍繞	微笑同瞻仰
聖者之左方	金剛商竭羅	執持金剛鑠
自部諸使俱	其身淺黃色	智杵為標幟
於執金剛下	忿怒降三世	摧伏大障者

詩一
十七

号名月鷹尊 三目四牙現 夏時雨雲色

阿吒吒笑聲 金剛寶瓔珞 攝護衆生故

無量衆圍遶 乃至百千手 操持衆器械

如是忿怒等 皆住蓮華中 次往西方盡

無量持金剛 種種金剛印 形色各差別

普放圓滿光 爲諸衆生故 真言主之下

依涅哩底方 不動如來使 持慧刀鬘索

頂髮垂左肩 一目而諦觀 威怒身猛焰

安住在盤石 面門水波相 充滿童子形

如是具慧者 次應往風方 復盡忿怒尊

所謂勝三世 威猛焰圍繞 寶冠持金剛

不顧自身命 專請而受教 已說初界威

諸尊方位等 持真言行人 次往第二院

東方初門中 盡釋迦牟尼 圍繞紫金色

具三十二相 被服袈裟衣 坐白蓮華臺

爲令教流布 住彼而說法 次於世尊右

顯示遍知眼 熙怡相微笑 遍體圓淨光

喜見無比身 是名能寂母 復於彼尊右

圖寫毫相明 住鉢頭摩華 圓照商佉色

執持如意寶 滿足衆希願 暉光大精進

救世釋師子 聖尊之左方 如來之五頂

最初名白傘 勝頂最勝頂 衆德火光聚

及與捨除頂 是名五大頂 大我之釋種

應當依是處 精心造衆相 次於其北方

布列淨居衆 自在與普華 光鬘及意生

名稱遠聞等 各如其次第 於毫相之右

復盡三佛頂 初名廣大頂 次名極廣大

及無邊音聲 皆應善安立 五種如來頂

白蓄真金色 復次三佛頂 白黃赤兼備

其光普深廣 衆瓔珞莊嚴 所發弘誓力

一切願皆滿 行者於東隅 而作火仙像

住於熾焰中 三點灰爲標 身色皆深赤

心置三角印 而在圓焰中 持珠及澡瓶

右方閻摩王 手秉壇拏印 水牛以爲座

震電玄雲色 七母并黑夜 妃后等圍繞

涅哩底鬼王 執刀恐怖形 縛嚕拏龍王

詩一

八

羅索以為印
寶冠被瓔珞
慧者善分布
勝無勝妃等
四面持髮冠
西方諸地神

初方釋天王
持跋折羅印
左置日天衆
翼從而侍衛
唵字相為印
辯才及毗細

商羯羅月天
持真言行者
持明大忿怒
持地神奉瓶
難陀跋難陀
所餘釋種尊

安住妙高山
及餘諸眷屬
在於輿輅中
大梵在其右
執蓮在鵝上
塞建那風神

師應具開示
先圖妙吉祥
猶如童子形
慈顏遍微笑
周而互暉映
執持衆寶網

而觀佛長子
所謂髻設尼
地慧并請召
二衆共圍繞
次作大名稱
捨於三分位

大我菩薩眾 應善圖藻續 諦誠勿迷忘

謂虛空無垢 次名虛空慧 及清淨慧等

行慧安慧等 如是諸菩薩 常勤精進者

各如其次第 而盡莊嚴身 略說大悲藏

漫荼羅位竟 爾時執金剛秘密主於一切眾會中諦觀大

日世尊目不暫瞬而說偈言

一切智慧者 出現於世間 如彼優曇華

時時乃一現 真言所行道 倍復甚難遇

無量俱胝劫 所作眾罪業 見此漫荼羅

消滅盡無餘 何況無量稱 住真言行法

行此無上句 真言救世者 止斷諸惡趣

一切苦不生 若修如是行 妙慧深不動

時普集會一切大眾及諸持金剛者以一音

聲讚歎金剛手言

善哉善哉大勤勇 汝已修行真言行

能問一切真言義 我等咸有意思惟

一切現為汝證驗 依住真言之行力

及餘善提大心眾 當得通達真言法

爾時執金剛秘密主復白世尊而說偈言

云何彩色義 復當以何色 云何而運布

是色誰為初 門標旗量等 廂衛亦如是

云何建諸門 願尊說真量 奉食華香等

及與眾寶瓶 云何引弟子 云何令灌頂

云何供養師 願說護摩處 云何真言相

云何住三昧 如是發問已 牟尼諸法王

告持金剛慧 一心應諦聽 最勝真言道

出生大乘果 汝今請問我 為大有情說

染彼眾生界 以法界之味 古佛所宣說

是名為色義 先安布內色 非安布外色

潔白最為初 赤色為第二 如是黃及青

漸次而彰著 一切內深玄 是謂色先後

建立門幟幟 量同中胎藏 廂衛亦如是

華臺十六節 應知彼初門 與內壇齊等

智者於外院 漸次而增加 於彼廂衛中

當建大護者 略說三摩地 一心住於緣

廣義復殊異 大衆生諦聽 佛說一切空
正覺之等持 三昧證知心 非從異緣得
彼如是境界 一切如來定 故說爲大空
圓滿薩婆若

大毗盧遮那成佛神變加持經卷第一 詩一

大毗盧遮那成佛神變加持經卷第二 詩二

大唐中天竺三藏法師玄奘譯

入漫荼羅具緣真言品第二之餘

爾時毗盧遮那世尊與一切諸佛同共集會
各各宣說一切聲聞緣覺菩薩三昧道時佛
入於一切如來一體速疾力三昧

應有

於是世尊復告執金剛菩薩言

我昔坐道場 降伏於四魔 以大勤勇聲
除衆生怖畏 是時梵天等 心喜共稱說
由此諸世間 号名大勤勇 我覺本不生
出過語言道 諸過得解脫 遠離於因緣
知空等虚空 如實相智生 已離一切暗

第一實無垢 諸趣唯想名 佛相亦復然
此第一實際 以加持力故 爲度於世間
而以文字說

爾時執金剛具德者得未曾有開敷眼頂禮
一切智而說偈言

諸佛甚希有 權智不思議 離一切戲論

法佛自然智 而爲世間說 滿足衆希願

真言相如是 常依於二諦 若有諸衆生

知此法教者 世人應供養 猶如敬制底

時執金剛說此偈已諦觀毗盧遮那目不暫

瞬默然而住於是世尊復告執金剛秘密主

言復次秘密主一生補處菩薩任佛地三昧

道離於造作知世間相住於業地堅住佛地

復次秘密主八地自在菩薩三昧道不得一

切諸法離於有生知一切幻化是故世稱觀

自在者復次秘密主聲聞衆任有緣地識生

滅除二邊極觀察智得不隨順修行因是名

聲聞三昧道秘密主緣覺觀察因果任無言